



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

KULTUURBELEID

As deel van Laerskool Jan van Riebeeck se missie om gebalanseerde leerders op te voed, ag ons kulturele blootstelling en die beoefening van kulturele aktiwiteite van groot belang. Die bevordering van kultuur by die skool is inderdaad een van ons kernwaardes en kenmerkende tradisies.

1. DOEL

Die doel van hierdie beleid is om die skool se benadering ten opsigte van kultuuraktiwiteite en kultuurerfenis aangeleenthede te omskryf en die struktuur en funksionering daarvan te dokumenteer.

2. KULTUURVISIE

Ons visie is om elke leerder bekend te stel aan die ryk kultuurverskeidenheid in ons land, respek en waardering vir ander kulture aan te kweek en stewig gewortel te wees in die kultuur eie aan onsself.

Ten einde gebalanseerde leerders op te voed, is dit noodsaaklik dat kultuur, akademie en sport gelykwaardige ruimte, tyd en erkenning binne die skoolopset kry. Ons leerders word blootgestel aan 'n wye spektrum van kultuuraktiwiteite en leer daardeur liefde vir die kunste, deursettingsvermoë, selfdissipline en 'n gebalanseerde persoonlikheid aan.

Ons strewe is dat elke leerder ook sy / haar volle potensiaal op kultuurgebied sal bereik.

3. KULTUURAKTIWITEITE

Die volgende aktiwiteite word binne skoolverband aangebied:

- Senior koor
- Junior koor
- Redenaars
- Musiek
- Skoolkonsert
- Suidooster
- Kuns
- Algemene Kennis
- Jannies Talent



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

Die volgende aktiwiteite word buite skoolverband aangebied:

- Dans
- Drama
- Kunswedstryde

4. BESKRYWING VAN KULTUURAKTIWITEITE

4.1 Kore

Die doel van beide kore is om 'n liefde vir sang en koormusiek by die leerders te ontwikkel en om hulle die geleentheid te gee om saam te sing. Die kore streef daarna om goeie ambassadeurs vir die skool te wees en om kwaliteit koorsang te lewer.

Die Junior Koor bestaan uit leerders vanaf Graad 1 tot 3 en die Senior Koor uit leerders vanaf Graad 4 tot 7.

Die kore neem jaarliks aan konserte, koorfeeste en/of kerkoptredes deel. Die drag is skoldrag.

Die kore oefen een maal per week, binne skoolure.

4.2 Redenaars

Die doel van redenaars is om leerders se redenerende vermoë, taalgebruik, selfvertroue en selfstandige denke te stimuleer en ontwikkel. Hulle leer ook die vermoë om voor mense te praat.

Leerders kry elke jaar die geleentheid om aan die ATKV-Redenaarskompetisie deel te neem. Daar is 'n juniorfase (Gr 4 en 5) en 'n seniorfase (Gr 6 en 7). Deelnemers aan die junior fase lewer 'n voorbereide toespraak, die onderwerp waarvan bepaal word deur die ATKV se voorskrif vir daardie jaar. Senior leerders lewer ook 'n voorbereide toespraak maar moet bykomend 'n onvoorbereide toespraak op die dag skryf en lewer, wat die grootste gedeelte van die puntetoekenning uitmaak.

Uitdunrondte word by die skool gehou en enige leerder wat belang stel kan inskryf. Dit dien as 'n interne kompetisie. Slegs voorbereide toesprake word tydens hierdie rondte aangehoor. Eksterne beoordelaars bepaal wie die finalisté is wat die ATKV se streekrondte deurdring.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

Tydens die streekrondte ding leerders mee met ander skole in die streek, tydens die semi-finaal word leerders vanoor die Wes-Kaap Provinse aangehoor, en die finale rondte is kompetisie op nasionalevlak.

Redenaarsafrigting vind na skoolure plaas. Daar word jaarliks by die prysuitdeling 'n beker aan die beste junior en die beste senior redenaar toegeken. Dié wenner word bepaal na gelang van prestasie by die ATKV.

Ouers is self verantwoordelik vir die betaling van die inskrywingsfooie.

4.3 Musiek

Die musiekdepartement verskaf individuele lesse aan leerders wat inskryf daarvoor om musiek te neem. Die lesse ontwikkel die leerders se persoonlike musikale vermoëns op beide praktiese en teoretiese vlak. Lesse geskied tydens skoolure en is meestal dertig minute lank. (Sien Bylaag – Addisionele Musiekbeleid)

Die departement het tans twee voltydse onderwysers en twee deeltydse onderwysers wat musiekonderrig in die volgende studierigtigs aanbied:

- Klavier
- Blokfluit
- Kitaar
- Musiekteorie
- Sang

Leerders kry die geleentheid om aan kunswedstryde en konserte deel te neem en kan ook inskryf vir eksterne eksamens (prakties en teoreties).

Daar vind minstens twee musiekkonserte gedurende die jaar plaas: een vir junior leerders in die eerste kwartaal en een vir senior leerders in die tweede kwartaal. Elke tweede jaar, as deel van die Akademiese Spele, vind daar ook 'n Kultuurkonsert tydens die derde kwartaal plaas, waar items vanoor 'n breë spektrum kultuurbedrywigheide aangebied word.

4.4 Skolkonsert

Die doel van die konsert is om alle leerders die geleentheid te gee om op kultuurgebied aan 'n skoolgeleentheid deel te neem en hulself ook op hierdie gebied uit te leef en te onderskei.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

Dit vind tweeaarliks plaas. Alle leerders neem deel. Repetisies begin tydens die tweede kwartaal en vind in Skeppende Kuns-periodes plaas. Dit word ook getel as deel van hierdie kurrikulum. Die konsert vind aan die einde van die derde kwartaal plaas.

4.5 Suidooster

Ons skoolkoerant, *Die Suidooster*, is die vertoonvenster van Laerskool Jan van Riebeeck. Senior leerders (graad 7's) dien op die redaksie wat weekliks bymekaarkom om vars skolenuus te versamel en aan berigte en artikels te timmer. Die redaksielede word deur middel van 'n keuringsproses verkies. Ons poog om met hierdie lekkerlees-nuusblad wat een keer 'n kwartaal verskyn leerders, ouers en belangstellendes te vermaak en in te lig oor die pret en plesier van laerskoollewe.

4.6 Kuns

Kuns vorm deel van die akademiese kurrikulum van die vak Skeppende Kunste.

Kunsklasse word tweeweekliks tydens skoolure aangebied sodat leerders die geleentheid kry om basiese beginsels van skeppende kunste aan te leer. Daar word 'n jaarlikse uitstalling gehou en leerders se werk word ook deurlopend in die skool vertoon. Die kunsonderwyser gaan baie kreatief met die kunsmediums te werk en poog ook spesifiek om leerders aan te moedig om te skep uit "niks".

4.7 Algemene kennis

Om goed ontwikkelde leerders op te voed, is dit belangrik om hulle ook bloot te stel aan sake wat buite die akademiese kurrikulum val. Daarom moedig ons goeie algemene kennis aan en word leerders blootgestel aan sake van die dag, relevante gesprekke, geskiedkundige gebeurtenisse en dies meer.

Daar word jaarliks vraestelle oor algemene kennis geskryf en leerders ding mee om 'n trofee.

Indien van toepassing, stuur ons 'n span leerders om aan eksterne Algemene Kennis wedstryde deel te neem.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

4.8 Jannies Talent

Die doel van Jannies Talent is om leerders die geleentheid te gee om allerlei talente wat nie noodwendig deur bestaande kulturele aktiwiteite aangespreek word nie, by 'n spesiale geleentheid ten toon te stel, om hul eie kreatiwiteit te ontwikkel en om selfstandig items voort te bring en op te voer.

Dit vind elke tweede jaar (dus in die afwisselende jaar as die skoolkonsert), in die tweede kwartaal plaas. Leerders kan items van enige kulturele aard inskryf en ding mee in ouderdomsgroepe. Die skakelonderwyser keur inskrywings goed. Eksterne beoordelaars kies die wenners.

4.9 Drama

Dramaklasse word aangebied deur die Jana en Jana Dramaskool. Die doel is om leerders se selfvertroue, kreatiwiteit, korrekte stemgebruik en die gebruik van die verbeelding te stimuleer en ontwikkel.

Leerders word opgedeel in groepe na gelang van ouderdom en ander aktiwiteite. Daar is drie tydgleuwe per week, te wete Maandae, Woensdae en Vrydae.

Klasse vind by die skool plaas, behalwe op Vrydae wanneer die Graad 4 tot 7 leerders in die kerksaal oefen.

Klasse strek oor vier kwartale. Die eerste drie kwartale word in temas opgedeel en tydens die vierde kwartaal werk die leerders aan 'n konsert, waarby almal betrek word. Die doel daarvan is om met die selfvertroue wat die leerders deur die jaar gekweek het, gemaklik op die verhoog voor mense te kan optree.

4.10 Eisteddfods / Kunswedstryde

Eisteddfods / Kunswedstryde help om leerders op sosiale en emosionele vlak te ontwikkel. Dit gee hulle ook 'n platform om hul potensiaal op kulturele gebied te ontgin.

Eisteddfods / Kunswedstryde vind buite skoolverband plaas, maar word deur die skool gekoördineer. Ouers kan leerders ook privaat inskryf en is self verantwoordelik vir die inskrywingsfooi. Die skool betaal wel affiliasiiegelde. Leerders ding in hul eie ouderdomsgroepe in verskeie afdelings met ander leerders mee.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

Afdelings waarvoor die skool inskryf, is as volg:

- Vokaal
- Instrumentaal Kuns
- Spraak (voordrag, prosa en mimiek) Onvoorbereide lees
- Dans

5. KULTUURERFENISDAE

Die erfenis van ons taal, kultuur en omgewing is vir ons belangrik en waar moontlik stel ons ons leerders bloot aan aspekte daarvan en vier ons sekere erfenisgeleenthede op gepaste wyse. Die Kuns- en Kultuurdepartement poog om van tyd tot tyd ons eie leerders en hulle werk te gebruik om op spesiale dae op die kalender, soos Erfenisdag, ons eie en ander kulture uit tebeeld deur uitstellings, sang, drama of vertellings.

Die skool se verjaarsdag (21 Januarie) word uitgesonder as 'n spesiale geleentheid waartydens leerders bewus gemaak word van ons skool se geskiedenis en kultuur.

6. KULTUURUITREIK

As deel van die ontwikkeling van ons leerders glo ons dat blootstelling aan 'n verskeidenheid van kulture belangrik is. Derhalwe poog ons om te skakel met skole van ander gemeenskappe ten einde nie net sosiale bande te versterk nie, maar ook ons leerders te leer van ander kulturele tradisies betreffende dans, sang en kuns.

7. KULTUURTOEKENNINGS

Jaarliks word kultuurbekers by die prysuitdeling aan leerders oorhandig, as volg:

- Annali Cilliers-beker vir senior sang; JVR-beker vir junior sang;
- Jan van Riebeeck-beker vir senior musiek; JVR-beker vir junior musiek;
- Runette Louw-beker vir senior kuns; JVR-beker vir junior kuns;
- Steyn-beker vir die beste Suidooster joernalis;
- Junior Woeker met Woorde-beker vir beste junior redenaar (Gr 4 en 5);
- Senior Woeker met Woorde-beker vir beste senior redenaar (Gr 6 en 7);
- Jana Oosthuizen-beker vir senior drama;
- JVR-beker vir junior drama



Laerskool Jan van Riebeeck

Barbara Schreuder-beker vir senior Moderne Dans; JVR-beker vir junior
Moderne Dans
Kloofstraat 52 Kaapstad 8001
Epos: onlangs@jvrprim.co.za

Tel: 021 423 4209
Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

- Jan van Riebeeck-beker vir toppresteerder by Eisteddfod;
- Ester van Rijswijk-beker vir besondere, veelsydige bydrae op kulturele gebied (senior);
- JVR-beker vir besondere, veelsydige bydrae op kulturele gebied (junior).

Die bekerwenners word bepaal deur die betrokke onderwysers en leerders se prestasies by verskillende geleenthede (Unisa-eksamens, Eisteddfods, Toneelfeeste, ATKV-geleenthede, skoolkonserte) word in ag geneem en opgeweeg. Indien daar geen gesikte kandidate is om 'n beker tydens 'n bepaalde jaar te ontvang nie, word dit nie toegeken nie.

Wat betref die bekers vir veelsydigheid word leerders se deelname en prestasies op 'n verskeidenheid van kultuurterreine in oorweging gebring.

8. KULTUURKOMITEE

Ons skool beskik oor 'n kultuurkomitee wat bestaan uit onderwysers wat betrokke is by kultuuraktiwiteite sowel as ouers wat hulself gewillig verklaar om op die komitee te dien.

Die doel van die komitee is om kultuuraktiwiteite by die skool aan te moedig en betrokke te wees by die reël van kulturele funksies (soos konserte).



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209
Skoolhoof: JH Oosthuizen

Faks: 021 423 4210 / 424 2375
Webtuiste: www.jvrprim.co.za

BYLAAG A: MUSIEKONDERRIGBELEID

Inleiding

Die doel van hierdie dokument is om die doelwitte, basiese beginsels, algemene reëls en riglyne, gedragskodes, prosedure en struktuur van musiekdeelname by Laerskool Jan van Riebeeck te dokumenteer.

Visie en Missie

By Laerskool Jan van Riebeeck bevorder ons musiek as 'n opvoedkundige instrument deur middel van kwaliteit onderrig en deur dit toeganklik te maak vir alle leerders wat wil en kan deelneem.

Dit is ons strewe om musiek só aan te bied

- dat dit vir elke deelnemende leerder 'n genotvolle ervaring sal wees,
- dat ons die nodige vaardighede sal onderrig wat sal verseker dat die leerders tot hulle volle potensiaal sal ontwikkel.
- Dat ons die nodige onderwysers sal identifiseer om die vereiste vaardighede by die leerders te vestig binne ons begroting met ons beskikbare fasilitate, en in vennootskap met betrokke ouers.

Aanbieding

By Laerskool Jan van Riebeeck bied ons musiekdepartement die volgende aan:

- Klavier
- Blokfluit
- Sang
- Kitaar
- Musiekteorie

Vereistes vir musiekonderrig

- Leerders van Gr 1 tot 7 kry die geleentheid om musiek te neem.
- Leerders moet onderneem om gereeld tuis te oefen.
- Leerders moet 'n instrument beskikbaar hê om op te oefen.
- Klasgelde is vooruitbetaalbaar soos op die skool se webtuiste en in die handleiding aangedui, en moet betyds vereffen word. Dit geld ook vir eksterne onderwysers se fooie.
- Ouers moet musiekboeke aankoop soos redelik benodig word.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen

Lesse en lestye

- Lesse is gedurende skoolure of soos met die onderwysers ooreengekom.
- Leerders kan een of twee halfuurlesse per week neem.
- Leerders wat inskryf vir eksterne eksamens moet twee lesse per week neem.
- Agt lesse per kwartaal word gewaarborg, alhoewel dit soms meer sal wees.

Opmaak van verlore lesse

- Leerders wat afwesig is, moet die nodige reëlings tref om die les in te haal. Onderwysers sal alles in hul vermoë doen om die inhaal van die les moontlik te maak.
- Onderwysers wat afwesig is, sal die les inhaal tensy 'n aflospersoneellid in sy/haar plek die les aangebied het.
- In die geval van skoolaangeleenthede (soos uitstappies of swemgalas) kan die lesse nie ingehaal word nie.
- Ouers word versoek om onderwysers vroegtydig in te lig as lestye met toets of asseseringstye bots sodat die onderwyser die tyd kan ruil.
- Tydens formele eksamens gaan lesse vir Gr 1-3 voort. Gr 4-7 se lesse gaan voort, indien moontlik.

Assessering

- Leerders speel 'n informele eksamen en rapporte word in Junie en Desember verskaf.
- Ouers is welkom om gedurende die jaar afsprake met die onderwysers te maak indien hulle die leerder se vordering wil bespreek. Ingeval die onderwyser die leerder se vordering met die ouer wil bespreek, moet die ouer hom/haar beskikbaar stel vir so 'n afspraak.



Laerskool Jan van Riebeeck

Kloofstraat 52 Kaapstad 8001
Epos: ontvangs@jvrprim.co.za

Tel: 021 423 4209

Faks: 021 423 4210 / 424 2375
Webtuiste: www.jvrprim.co.za

Skoolhoof: JH Oosthuizen